

明紅絲  
欄鈔本

百

家

詞



審齋詞目錄

賀新郎

沁園春

風流子

醉蓬萊

西江月

南歌子

虞美人

念奴嬌

青玉案

水調歌頭

減字木蘭花

風流子

憶秦娥

清平樂

賀新郎

好事近

虞美人

水調歌頭

菩薩蠻

驀山溪

漁家傲

念奴嬌

生查子

解佩令

清平樂

憶秦娥

西江月

臨江仙

浣溪沙

瑞鶴仙

滿江紅

感皇恩

青玉案

醉落魄

桃源憶故人

水調歌頭

鷓鴣天

浣溪沙

好事近

喜遷鶯

滿庭芳

訴衷情

臨江仙

浣溪沙

西江月

醉落魄

虞美人

謁金門

點降唇

水調歌頭

瑞鶴仙

滿江紅

西江月

審齋詞目錄

審齋詞

東平王

千秋

錫老

賀新郎

石城吊古

弔古城頭去正高秋霜晴木落路通洲渚欲問紫髯  
今鼎事只有荒祠烟樹巫覡去久無蕭鼓霸業荒涼  
遺堞墜但蒼崖日閱征帆渡與與廢幾今古 夕陽  
細草空凝竚試追思當時子敬用心良誤要約劉郎  
銅雀醉底事遽爭荆楚遂但見吳蜀烽舉致使五官  
伸脚睡喚諸兒書取長陵土遺此恨欲誰語

沁園春

晁共道侍郎生日

豈寇嬌春烟花羞暖物華漸嘉也不須鶯怨桃封絳  
萼也不須蜂恨蘭鬱金芽料是東君都將和氣分付  
清豐詩禮家克問慶有青氈事業丹鳳才華 秉槎

早上雲霞侍祠甘泉瞻羽車試笑憑熊軾嘉木合穠  
進思魚鑰函箔駢花蕭冠勲名龔黃模樣入拜行趨  
堤上沙今宵裏且觥船滿棹醉帽歌斜

風流子

夜久燭花暗仙翁醉豐頰縷紅霞正三行鈿袖一聲  
金縷捲茵停舞側火分茶笑盈盈濺湯溫翠盃折印  
啓湘紗玉笋緩搖雲頭初起竹龍停戰雨脚微斜  
清風生兩腋塵埃盡白雲長黃芽解使芝眉長秀  
潘鬢休華想竹宮異日衮衣寒夜小團分賜新樣金  
花還記玉麟春色曾在仙家

醉蓬萊送陽

正歌塵驚夜闌乳回甘暫醒還醉再煮銀瓶試長松

風味玉手磨香鏤檀舞在壽星光裏翠袖微揜冰甕  
對捧神仙標致 記得拈時吉祥曾許一飲須教百  
年千歲光有陰功在遍江東桃李紫府春長風池天  
近看提携雲耳積善堂前年年笑語玉簪珠履

西江月

心事幾多白髮客情無數青山蘆纖雨細褪餘寒正  
是花期酒限 一自鉸簪信杳空留鈿帶香殘我今  
多病寄江干瘦似東陽也慣

又

老去頻驚節物亂來依舊江山清明雨遇杏花寒紅  
紫芳菲何限 春病無人消遣芳心有酒摧殘此情  
拍手問闌干為甚多愁我慣

南歌子

壽廣文

鵲起驚紅雨潮生漲碧瀾水晶城館月方圓誰喚騎  
鯨仙伯下三山筆勢翔鸞媚詩鋒射斗寒向來文  
價重賢關便合批風支月紫薇間

虞美人

寄李公定

流蘇斗帳泥金額我亦花前客謫仙標韻勝瓊枝一  
詠一觴常是得追隨自從風借雲帆便冷落青樓  
宴石橋風月也應猜過盡中秋不見晚歸來

念奴嬌

荷葉浦雪中作

扁舟東下正歲華將晚江湖清絕萬點寒鴉高下舞  
凝住一天雲葉映篠漁村衡茅酒舍浙瀝鳴飛雪壯  
懷與感悔將釵鳳輕別遙望傑閣層樓明眸穠艷

許把同心結束畎西傾渾未定終恐前盟虛設藝獸  
爐溫分霞酒滿此夕歡應狎多情言語又還知共誰  
說

青玉案 送人赴黃岡令

雪堂不遠臨臯路悵仙伯騎鯨去燕麥桃花更幾度  
橫橋雖在種松無有誰是關心處 解鞍君到冬雖  
暮傳語無忘矚篆句起手栽花花定許藝香披翠灌  
紅梳綠趁取清明雨

水調歌頭

遲日江山好老去倦遨遊好天良夜自恨無地可銷  
憂豈意綺窓朱戶深鎖雙雙玉樹桃花避風流未暇  
泛滄海直欲老溫柔 解檀槽敲玉釧泛清謳画樓

十二梁塵驚墜綵雲留座上騎鯨仙友笑我胸中磊  
砢取酒為澆愁一舉千觴晝來日判扶頭

減字木蘭花

陰簷雪在小雨廉纖寒又暎莫上危樓樓迥空低鴈  
更愁一盃濁酒萬事世間無不有待早歸田欲買  
田無使鬼錢

風流子

同雲垂六幕啼鳥靜風御玉妃寒漸聲入釣簑色侵  
書幌似花如絮結陣成團倦遊客一番詩思苦無筭  
酒腸寬黃竹調悲綺衾人馬豈堪梅蘂索哭巡簷  
一杯知誰勸空搔首還是憶舊青氈問素娥早晚光  
射江干待醉披鶴氅高吟冰柱剡溪何妨乘與空還

只恐櫓聲咿軋棲鳥難安

憶秦娥

雲破碧作霜天氣西風急西風急一行征鴈數聲橫  
笛挑燈試問今何夕柔腸底事愁如織愁如織紫  
苔庭院悄無人跡

又

雲葉舞寒林淺淡圍烟雨圍烟雨三三兩兩鴈投沙  
渚征帆漸落知何所短篷靜聽舟人語舟人語夜  
寒如許客能眠否

清平樂

吹花何處桃葉江頭路碧錦陣塋衝暮雨一霎峭寒  
如許歸來索酒澆春潮紅秋水增明却自不禁春惱

偎人位度歌聲

賀新郎

短艇橫烟渚。夢驚回、淒涼尚記，綠簑鳴雨。拍塞愁懷，人不解、只有黃鸝能語。復擬待、乘槎重去。無柰東君剛畱客。張碧油、緩按香紅，無生怕我，頓邀舉。故溪冉冉春光度。想晚來、楊花雲際，白蘋無數。竹裏樵青應是恠，目斷鳴榔去路。料為我、羞煩鱗羽。好趁小蠻針線，在按綸巾歸喚。松江渡、重繫纜、醉眠處。

好事近

和李清字

六幕凍雲凝。誰剪玉花為雪。寒入竹窓茅舍，聽琴絃聲絕。從他拂面去尋梅，香吐是時節。歸晚楚天不夜，抹墻腰橫月。

又

明日發驪駒共起爲傳杯綠十歲女兒嬌小倚琵琶  
翻曲絕憐啄木欲飛時絃響顫鳴玉雖是未知離  
恨亦晴峯微蹙

虞美人

琵琶絃畔春風面曾向尊前見彩雲初散燕空樓蕭  
寺相逢各認兩眉愁舊時曲譜曾翻否好在曹綱  
手老來心緒怯公絃出塞移船莫遣到愁邊

水調歌頭

九日

壯日遇重九躍馬歡遊如今何事歎感雙鬢不禁秋  
目斷五陵臺路無復臨高千騎鼓吹簇輕裘霜露下  
南國淮漢繞神州釣松鱸針郢酒聽吳謳壯心鑠

盡今夕重見紫茱羞月落笳鳴沙磧烽靜人耕榆塞  
此志恐悠悠擬欲墮清淚生怕菊花愁

菩薩蠻

茶蘼

流鶯不許青春住催得春歸花亦去何物慰懷  
茶蘼最後開青衫冰雪面細雨斜橋見莫浪送香來  
等閑蜂蝶猜

驀山溪

海棠

清明池館側臥簾初卷還是海棠開睡未足餘醒滿  
面似頭不語渾似怨東風心始吐又驚飛交現垂楊  
眼少陵情淺花草題評徧賦得惡因嫁沒一字聊  
通繾綣黃昏時候疑忡怯春寒籠翠袖減豐肌脉脉  
情何限

漁家傲

簡張德共

黃栗留鳴春已暮西園無著清陰處昨日驟寒風又  
雨花良苦信緣吹落誰家去病起日長無意緒等  
閑還與春相負魏紫姚黃無恙否栽培取開時我欲  
聽金縷

念奴嬌水仙

開花借水信天姿高勝都無俗格玉隴娟娟黃點小  
道書玉女鼻端有黃點依約西湖清魄綠帶垂腰碧簪叅髻索句

撩元白西清微笑為渠模寫香色常記月庄風前  
水沉肌骨瘦不禁憐惜生怕因循紛委地仙去難尋  
蹤跡縹檻深栽彤幃密護不甯輕拋釋等差休問未  
容梅品懸隔

生查子

枝垂雲碧長心展  
鵝黃嫩無力倚闌時  
掃盡漫山杏  
玲瓏影結陰蘊  
籍香成陣誰為祝  
東風更莫催花  
信

又

花飛錦繡香茗碾  
槍旗嫩是處綠連雲  
又摘班班杏  
愁來苦酒腸老去  
閑花陣燕子不知人  
尚說行雲  
信

又

鶯聲恰恰嬌草色  
纖纖嫩詩髻已驚霜  
鏡葉慵拈杏  
因何積恨山著底  
攻愁陣春事到荼蘼  
還是無音  
信

又

睡起髻雲鬆枕印香腮嫩愁思到眉尖齒軟嘗新杏  
都無魚鴈書又過鶯花陣寬盡縷金衣說與伊爭

信

又

春江波面渾春岸蘆花嫩不見木蘭舟羞帶駢枝杏  
輕綃搵淚痕急雨衝花陣暗禱紫姑神覓箇巴陵

信

又

雄姿画麒麟朽骨分螻蟻爭似及生前常為鶯花醉  
雲山靜有情天地寬無際且放兩眉開萬事非人

意

又

功名竹上魚富貴槐根蟻三萬六千場排日扶頭醉  
高懷隘世間狀氣橫天際常是惜春殘不會東君  
意

解佩令

木犀

花兒不大葉兒不美只一段風流標致淡淡梳粧已  
賽過騷人蘭芷古龍涎怎敢氣開時無奈風斜雨細  
壞得來零零碎碎著意收拾安頓在膽瓶兒裏且圖  
教平聲夢魂旖旎

清平樂

喚雲且住莫作龍池無五月人間須好雨為掃無邊  
煩暑  
畦秧針綠重生壺天表裏俱清林外桔槔閑